



Šukalo:
Radi i muziku
za teatar

Dino Šukalo Jedan od koproducenta

Sarajevski muzičar na novoj ploči sudjelovao kao jedan od koproducenta, koaranžer i instrumentalista. Aktivan je kao svirač i autor muzike za teatar.



Klaudija Čermak Radila na „Hariju Poteru“ i „Troji“

Spot za naslovnu pjesmu albuma „Burek“ uradila je Klaudija Čermak, stručnjak za specijalne filmske efekte.

Proteklih godina radila je na filmu „Hari Poter i odaja tajni“, a bila je i član ekipe filma „Gladijator“, koji je osvojio Oskara za najbolje vizuelne efekte 2001. godine. Jedan od

njenih aktuelnih projekata je i film „Troja“.

Osobit pečat njenoj karijeri dala je činjenica da je Klaudija u stanju uspješno kombinirati svoj umjetnički talent i praktično znanje. Osvojila je brojne nagrade na festivalima u Velikoj Britaniji i Sjedinjenim Državama.



Češljarić:
Četverogodišnja
saradnja

Amar Češljarić Izuzetni bubnjar i perkusionista

Izuzetno talentirani bh. bubnjar i perkusionista. Saradnju s Dinom Merlinom započinje prije četiri godine na velikoj turneji „Sredinom“, gdje je imao i ulogu pratećeg vokala. Saraduje s muzičarima različitih muzičkih orijentacija, a na albumu „Burek“ učestvovao je, između ostalog, i kao gost na pjesmi „Bijelo“.



Busuladžić: Živi u Bihaću

Adnan Busuladžić

Talentirani klarinetista

Jedan od najtalentiranijih bh. klarinetista. Završio je Muzičku akademiju u Sarajevu.

Trenutno živi u Bihaću, gdje je zaposlen kao profesor u Srednjoj umjetničkoj školi.



Đozo:
Svira u
bendu

Muamer Đozo

Bas na dvije pjesme

Bas-gitarista u bendu Dine Merlina, s kojim svira već četiri godine. Na novom albumu, svirao je bas na pjesmama „Kad čovjek voli ženu“ i „Na vi“.



Mahir Sarihodžić Klavijaturista u bendu

Rođen je u Tuzli, a muzikom se profesionalno bavi od svoje 16. godine. Posljednjih godina radi kao aranžer i producent u muzičkim studijima te saraduje s bendovima i izvođačima različitih muzičkih usmjerenja. Kao klavijaturista, član je benda Dine Merlina od 2000. godine.

Sarihodžić: Radi i kao producent

Gani Tamir Izraelska zvijezda

Izraelska pjevačica koju muzička kritika smatra jednim od najljepših glasova Evrope. Sarađivala je s velikim brojem, ako ne i sa svim velikim muzičkim zvijezdama svoje zemlje. Iza sebe ima mnogo albuma, kao i gostovanja na nekoliko stotina ploča drugih autora.

Predstavljamo Neki od saradnika na albumu „Burek“




Mahir Sulejmanović Beathouse

Autorska saradnja

Muzikom se bavi od 1989. godine, kada počinje raditi kao DJ u sarajevskoj diskoteci „Evropa“. U toku rata osniva rep bend „Beathouse“, s kojim snima dva albuma. Saradnju s Dinom započinje na albumu „Sredinom“, nakon čega kao gost nastupa na koncertima širom svijeta. Autorski saraduje i na albumu „Burek“.

Rhodes
KEYBOARD INSTRUMENTS

Sulejmanović:
Muzikom se bavi od 1989.



Kurpjel: Radio velike reklamne kampanje

Srđan Kurpjel

Sarađivao i s Igijem Popom i Ofrom Hazom

Sarajlija koji trenutno živi i radi u Londonu. Kao dizajner zvuka radio je na velikim svjetskim filmskim produkcijama, poput „Put oko svijeta za 80 dana“ ili „Alisa u zemlji čuda“, a učestvovao je na snimanju muzike za filmove „Kuduz“, „Underground“, „Arizona Dream“.

Pišući muziku za reklame, učestvovao je u velikim

kampanjama „Mercedesa“, BMW Formule 1, „Audija“, „United Airlinesa“ i „Michelin“ F1.

Sarađivao je s muzičarima iz cijelog svijeta, od kojih se posebno izdvaja saradnja s Cesarijom Evorom, Igijem Popom, Ofrom Hazom te brojnim agencijama u Sjedinjenim Državama, Velikoj Britaniji i drugim evropskim zemljama.